



Broj: 04 -1867 -2/24

Datum: 30.08.2024. godine

Na osnovu člana 17. tačka c. Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23 i 19/23), člana 27. tačka d) Statuta Zavoda za zapošljavanje Brčko distrikta BiH – prečišćen tekst (br.04-111/20 i 04-1372/20), i člana 17. stav (4) Pravilnika o mjerama za podsticaj zapošljavanja – prečišćen tekst (br. 04-115/20 i 04-170/23), (u daljem tekstu: Pravilnik), a u skladu sa Odlukom Vlade Brčko distrikta BiH o odobravanju tekućeg transfera i usvajanja Programa utroška sredstava u korist Zavoda za zapošljavanje Brčko distrikta BiH za realizaciju Programa samozapošljavanja na području Brčko distrikta BiH u 2024. godini (broj: 48-000246/24, broj akta: 01.11-0566LO-023/24 od 17.07.2024. godine), Upravni odbor Zavoda za zapošljavanje Brčko distrikta BiH, donosi Odluku (br.04-1867/24 od 30.08.2024. godine), da se objavi

JAVNI POZIV

za prijavu po Programu samozapošljavanja na području Brčko distrikta BiH u 2024. godini

1. SVRHA PROGRAMA / JAVNOG POZIVA

Javni poziv za prijavu po Programu samozapošljavanja na području Brčko distrikta BiH (u daljem tekstu: Javni poziv) ima za svrhu doprinos privrednom razvoju Brčko distrikta BiH kroz stvaranje uslova za samozapošljavanje i podizanje preduzetničkog duha, na području Brčko distrikta BiH.

2. KORISNICI PROGRAMA PO JAVNOM POZIVU

(1) Korisnici Programa samozapošljavanja na području Brčko distrikta BiH (u daljem tekstu: Program) mogu biti:

- a) nezaposlena lica,
- b) lica koja su registrovala poslovnu djelatnost u 2024. godini, do dana objave Javnog poziva,
- c) lica kojima nisu odobrena sredstva po Programu samozapošljavanja na području Brčko distrikta BiH u 2023. godini, a koji su predali poslovni plan.

(2) Opšti kriterijumi koji aplikanti moraju ispunjavati da bi dobili sredstva po ovom Programu su:

- a) da je aplikant prošao obuku koja je organizovana po Programu samozapošljavanja, za prethodne godine u periodu od 2014. godine do 2023. godine i/ili uspješno prošao obuku iz oblasti preduzetništva po Programu samozapošljavanja u 2024. godini (izuzev lica iz poglavlja 2. tačke (b) i (c) ovog Javnog poziva ako se radi o licima koja su registrovala poslovnu djelatnost u 2023. godini);
- b) da lice ima prijavljeno prebivalište na području Brčko distrikta BiH, najkraće od 31.12.2019. godine;
- c) da se vodi na evidenciji nezaposlenih lica Zavoda za zapošljavanje Brčko distrikta BiH (u daljem tekstu: Zavod), izuzev lica iz poglavlja 2. tačka (b) i lica iz poglavlja 2. tačka (c) ovog Javnog poziva ako se radi o licima koja su registrovala poslovnu djelatnost u 2023. godini;
- d) da lice pokreće djelatnost iz oblasti proizvodnje, zanatstva i usluga (osim trgovine i ugostiteljstva).



3. LICA KOJA NE MOGU BITI KORISNICI PROGRAMA

(1) Pravo učešća na Javnom pozivu nemaju:

- a) lica koja imaju suvlasničke dijelove u preduzećima,
- b) članovi upravnih i nadzornih odbora u javnim preduzećima i javnim ustanovama,
- c) lica protiv kojih se vodi krivični postupak,
- d) lica mlađa od 18 godina,
- e) lica ili članovi njihovog domaćinstva (suprug/a, djeca ili roditelji) koja su već koristila sredstva po programu samozapošljavanja, osim u slučaju da je ugovor o samozapošljavanju istekao i da lice koje ostvari podsticajna sredstva po ovom Programu neće obavljati istu djelatnost koju je obavljalo, to jest onu koju je obavljao neko od članova njegovog domaćinstva i za istu, takođe, ostvario podsticajna sredstva;
- f) lica koja su u periodu od 12 mjeseci prije objavljivanja Javnog poziva odjavila registrovanu djelatnost.

(2) Kriterijumi navedeni u poglavlju 3. stav (1) ovog Javnog poziva su eliminatornog karaktera i zahtjevi koje podnesu gore navedena lica se neće uzimati u razmatranje.

4. SREDSTVA ZA REALIZACIJU PROGRAMA

(1) Ukupan iznos sredstava za realizaciju Programa u iznosu od 1.500.000,00 KM obezbijeđeno je Budžetom Brčko distrikta BiH za 2024. godinu u Odjeljenju na organizacionom kodu 17010001, ekonomskom kodu 614100- Tekući transferi drugim i istim nivoima vlasti, „Transfer Zavodu za zapošljavanje Brčko distrikta BiH za realizaciju Programa samozapošljavanja na području Brčko distrikta BiH“.

(2) Sredstva za realizaciju Programa u iznosu od 1.500.000,00 KM se dijele na sljedeći način:

- a) sredstva u iznosu od 700.000,00 KM su namijenjena za aplikante iz poglavlja 2 stav (1) tačke a) i b) ovog Javnog poziva,
- b) sredstva u iznosu od 800.000,00 KM su namijenjena za aplikante kojima nisu odobrena sredstva po Programu samozapošljavanja iz 2023. godine, a u skladu sa poglavljem 2 stav (1) tačka c) ovog Javnog poziva.

(3) Sredstva neutrošena iz jedne kategorije mogu se preraspodijeliti na drugu kategoriju.

(4) Iznos sredstava po jednom projektu:

- a) za aplikante koji u trenutku podnošenja aplikacije nemaju registrovanu djelatnost, dodijeljeni iznos ne može prelaziti 18.000,00 KM (slovima: osamnaest hiljada konvertibilnih maraka);
- b) za aplikante koji u trenutku podnošenja aplikacije imaju registrovanu djelatnost, dodijeljeni iznos ne može prelaziti 12.000,00 KM (slovima: dvanaest hiljada konvertibilnih maraka);

(5) Sredstva iz stava (1) ovog poglavlja se dodjeljuju u skladu sa pravilima za dodjelu državne pomoći male vrijednosti (*de minimis* pomoć) na osnovu člana 6a Zakona o sistemu državne pomoći u Bosni i Hercegovini („Službeni glasnik Bosne i Hercegovine“, broj: 10/12 i 39/20).



5. REALIZACIJA PROGRAMA / JAVNOG POZIVA

Program će biti realizovan:

- (1) Javnim pozivom, koji je integralan, što podrazumijeva da se prijavom na Javni poziv aplikanti prijavljuju i na obuku iz oblasti preduzetništva.
- (2) Po raspisivanju Javnog poziva organizuje se program obuke iz oblasti preduzetništva sa ciljem osposobljavanja za pripremu i izradu poslovnog plana.
- (3) Odjeljenje za privredni razvoj, sport i kulturu (u daljem tekstu: Odjeljenje) obezbijediće organizaciju i izvođenje programa obuke za aplikante Programa navedene pod tačkom a), poglavlja 2. ovog Javnog poziva, a koji su se prijavili na Javni poziv.
- (4) Lica iz poglavlja 2. tačka a) ovog Javnog poziva kao i lica koja su završila obuku u prethodnim godinama, moraju se prijaviti na Javni poziv. Lica iz poglavlja 2 tačke b) i c) ovog Javnog poziva, kao i lica koja su završila obuku u prethodnim godinama nemaju obavezu da prisustvuju obuci iz oblasti preduzetništva.
- (5) Javni poziv će biti objavljen petnaest (15) dana na web-stranici Zavoda.
- (6) Aplikanti koji podnose prijavu po Programu samozapošljavanja uz istu prilažu Izjavu o ispunjavanju uslova iz Javnog poziva.
- (7) Zavod će aplikante obavijestiti o terminu održavanja edukacije koja će trajati 9 dana (tri modula po tri dana), isključivo putem web-stranice Zavoda.
- (8) Svi aplikanti su u obavezi, u roku od sedam dana nakon sprovedene obuke tj. završenog programa obuke iz oblasti preduzetništva za 2024. godinu, dostaviti poslovni plan Zavodu, nakon čega se nastavlja procedura izbora aplikanata sa najboljim poslovnim idejama.
- (9) Aplikanti iz poglavlja 2. tačke (b) i (c) ovog Javnog poziva, kao i lica koja su završili/a obuku u prethodnim godinama, takođe imaju obavezu da dostave poslovni plan u roku od sedam dana od dana završetka edukacije.
- (10) Komisiju za ocjenjivanje poslovnih planova (u daljem tekstu: Komisija za ocjenjivanje), na prijedlog šefa Odjeljenja imenuje Gradonačelnik, i čine je dva predstavnika Odjeljenja i jedan predstavnik Zavoda.
- (11) Komisija za ocjenjivanje će donijeti Poslovnik o radu, kojim se bliže određuje način rada i odlučivanja.
- (12) Komisija za ocjenjivanje je dužna kreirati obrazac za vrednovanje pristiglih poslovnih planova na osnovu kriterijuma propisanih Programom.
- (13) Komisija za ocjenjivanje je dužna da, u roku od (trideset) 30 dana (od dana prijema poslovnih planova), provjeriti da li su ispunjeni formalno-pravni uslovi od strane aplikanata i ocijeniti poslovne planove, prema kriterijumima Programa, koji će se vrednovati u rasponu od 5 do 10 bodova, od strane svakog člana pojedinačno (na način kako je to definisano Poslovnikom o radu Komisije za ocjenjivanje kojim se bliže propisuje način rada, bodovanja i odlučivanja) te nakon toga sačiniti prijedlog rang-liste.
- (14) Komisija za ocjenjivanje sačinjava prijedlog rang-liste aplikanata iz poglavlja 2. ovog Javnog poziva, koja će biti objavljena na oglasnoj tabli Zavoda i web-stranici Zavoda. Rang-lista sadrži ime i prezime aplikanta, broj bodova i predložene iznose.
- (15) Na predložene liste se može uložiti prigovor u roku od sedam (7) dana od dana objavljivanja.
- (16) Prigovor se podnosi Upravnom odboru Zavoda, putem protokola Zavoda.
- (17) Komisija za ocjenjivanje nakon što zaprimi pristigle prigovore, iste dostavlja uz pismeno očitovanje i usmenu prezentaciju predsjednika Komisije za ocjenjivanje, Upravnom odboru Zavoda na dalje postupanje i odlučivanje.
- (18) Nakon proteka roka za prigovore, odnosno donošenja odluke po prigovoru/ima, Komisija za ocjenjivanje utvrđuje konačnu rang-listu rangiranih kandidata.
- (19) Nakon donošenja konačne liste rangiranih kandidata, Zavod s istima zaključuje ugovor o dodjeli novčanih sredstava za finansiranje po Programu samozapošljavanja u Brčko distriktu BiH.



6. KRITERIJUMI ZA VREDNOVANJE APLIKACIJA

(1) Kriterijumi na osnovu kojih će se vrednovati aplikacije su:

- a) značaj projekta i njegov doprinos poboljšanju uslova za razvoj konkurentnosti, inovacija i preduzetništva – ocjena poslovne ideje;
- b) vrsta djelatnosti;
- c) doprinos projekta stvaranju uslova za zapošljavanje i mogućnost dodatnog zapošljavanja u naredne dvije godine;
- d) ocjena biznis plana;
- e) obezbijeđeno sufinansiranje projekta iz sopstvenih i drugih izvora kako novčano tako i materijalno;
- f) obezbijeđena ekonomičnost projekta – održivost projekta;
- g) sporazumi, predugovori za saradnju i posao, postojanje tržišta za djelatnost kojom se namjerava baviti.

(2) Prioritet pri odabiru imaju aplikanti starosti do 30 godina.

(3) Broj lica koja će biti obuhvaćena ovim Programom biće usklađen sa raspoloživim sredstvima.

7. NAMJENA I NAČIN ISPLATE ODOBRENIH SREDSTAVA

(1) Sredstva po ovom Programu korisnicima sredstava mogu biti odobrena za :

- a) nabavku opreme u 100 % iznosu od odobrenog iznosa,
- b) troškove zakupa i uređenja poslovnog prostora u iznosu koji ne prelazi 30 % odobrenog iznosa,
- c) nabavku repomaterijala u iznosu koji ne prelazi 30% odobrenog iznosa,
- d) ostalo (sitan alat, certificiranje i sl.) u iznosu koji ne prelazi 40 % odobrenog iznosa.

(2) Sredstva po ovom Programu se ne mogu koristiti za upis u sudski registar preduzeća.

(3) Zavod može, nakon zaključivanja Ugovora i upisa u sudski registar, odabranim korisnicima isplatiti 30 % odobrenog iznosa, a preostali iznos nakon pravdanja odobrenih sredstava dostavljanjem odgovarajuće dokumentacije.

8. OBAVEZE KORISNIKA SREDSTAVA

Saglasno članu 8. Programa, te članu 26. Pravilnika, korisnici Programa su dužni/saglasni da:

- a) aplikanti kojima su sredstva odobrena po Programu, a koji u tom trenutku nisu već imali registrovanu djelatnost dužni su da najmanje dvije godine od dana izdavanja sudskog rješenja o osnivanju poslovnog subjekta, aktivno obavljaju djelatnost za koju su registrovani,
- b) aplikanti kojima su sredstva odobrena po Programu, a već imaju registrovanu djelatnost, dužni su da najmanje dvije godine od potpisivanja ugovora, aktivno obavljaju djelatnost za koju su registrovani,
- c) redovno izmiruju obaveze po osnovu poreza i doprinosa,
- d) ukoliko korisnik sredstava ne ispoštuje ugovorne obaveze, neće moći učestvovati u programima zapošljavanja koji se finansiraju iz Budžeta Brčko distrikta BiH u narednih pet godina,
- e) Zavod može, u skladu sa Zakonom o finansijskom poslovanju Brčko distrikta BiH, ugovoriti da mu korisnik sredstava preda neki od instrumenata obezbjeđenja ili da povrat sredstava obezbijedi na neki drugi način u skladu sa zakonom,
- f) ukoliko korisnik sredstava ne ispoštuje ugovorne obaveze, ima obavezu da vrati cjelokupan iznos dobijenih sredstava,
- g) rok u kojem sredstva moraju biti utrošena odrediće se ugovorom zaključenim između Zavoda i korisnika Programa.
- h) sve što nije definisano ovim Javnim pozivom, a može biti od značaja za uspješnu realizaciju Programa, regulisaće se ugovorom zaključenim između Zavoda i korisnika Programa.



9. ROK ZA PODNOŠENJE ZAHTJEVA

- (1) Javni poziv počinje teći od 02.09.2024. godine a završava se 17.09.2024. godine i biće objavljen na web – stranici Zavoda.
- (2) Tekst Javnog poziva i prijavu sa priložima zainteresovana lica mogu preuzeti sa web stranice Zavoda zzzbrcko.org ili u Zavodu.
- (3) Prijava na Javni poziv (sa Izjavom), predaje se, lično, u Zavodu.
- (4) Dodatne informacije mogu se dobiti u Zavodu ili na telefon broj: 049/217-411 ili 049/233-661.
- (5) Neblagovremeno dostavljene prijave smatraće se nevažećima.
- (6) O rezultatima Javnog poziva aplikanti će biti obaviješteni putem oglasne table i web stranice Zavoda.

Predsjednik Upravnog odbora

/ Itija Goričkić, dipl.oec /